



淡遠軒詩鈔卷六

涇川吳 寅畏堂著

男銘曾誌之校字

秋季由桐川旋里

歸路迢迢馬首東宵長晝短趁寒風
驪歌隱約鷄聲外客意
温存酒氣中風過蘆花輕脫白霜歸
楓葉重添紅不愁歲月
消磨盡遑計詞章煨煉工

謾笑詩歌衝口出要知情性自來真
秋冬莫厭冰霜地春夏
已經風雨人護劍因思剛必折振衣
翻惜舊常新熙來攘往
皆行路問答何妨一越秦

淡遠軒詩鈔卷六

禹仙七叔惠賜朱橘四枚命誌以詩

五畝家園廣樹基栽培通歲競芳姿
星垂天上朱成果波及
人間綠帶枝

聚居謾溯古揚州富薄封侯第一流
賜入金盤留不剖肯輸
梅影下羅浮

播爾芬芳趁月陽家家生色欲名堂
懷來瑞早過三實品給
繁如等百王

採摘頻頻起暮鴉猶疑滿樹耀金葩
才人錦繡堪遺後併作
丹陽絹色誇

祝潘永叔太姻伯百歲大壽

世上人人祝百年眞修已自薄
凡仙豈誇帝壽三之一且笑

彭庚八未千清淺蓬萊見應數榮枯椿樹賞初延
恩書彩拂芝蘭秀喜看遐齡代代傳姻伯緒文年近古稀精力強健

喜鍾靈五十七弟入泮席間作

家學淵源冠一鄉十年不下讀書堂名成此日君休小喜到
吟詩我已狂池上春風華草色月中桂子孕天香調和酒醴
三冬暖梅雪爭輝入閣光時小雪

哭鏡秋十八弟

一生勤儉裕清修近病膏肓不自由大衍已週辭我去惟憐
七子咏鳴鳩

兄弟同堂七十人說來誰不愛天真哭君忘我三年長寂寞
虛生又幾春

淡遠軒詩鈔卷六

途中感懷

不知何事枉形單歎盡年年莫可歎風過奈教人面熱雁鳴
又入我心酸壓松積雪連雲凍帶水輕冰上路寒百里計程
完一日到來旅店且加餐

晚到秋浦友人王帶渚晤予囑題半月門內美人圖

姮娥何事倚瑤臺光溢堂中月半開即使有情終不老非關
竊藥出塵埃君今年六十有七

當門瀟灑午風涼檢若書中臭亦香不語已教花妬殺况將

含笑引劉郎

聞說風流未見真仙姿托付在君身熒熒獨立非無伴難覓

人間第二人君隸居已二十餘年

棕川阻雨聽席間諸友閒話

雨留晴去總由天泡影星光一樣圓愛友每多風雪興歌詩
常作喜歡緣生原若寄都爲客色可療飢便是仙不必東鄰
窺宋玉閒情已自學陶潛

步友人劉靜如走馬看花韻

十年翰墨釀天香到處未聞游戲場忽見瓊花飛一片春風
不及馬蹄忙

論詩

迅若風雲鎮若山人人翹首共躋攀籟貅伍兩馳驅裏珠玉
三千咳唾間霜落洪鐘自能響水歸滄海不辭艱推敲莫使
飛鳶巧墨子車輪已勝般

淡遠軒詩鈔卷六

三

王蘇四友見過未叙片刻殊覺快快口號拙句二章邀
請暇日傾談兼索瑤和

晚節遺忘若漏卮離羣何處得吾師未遑顧僕鋤三徑豈意
傾心聽四雖愧不夜寒茶當酒笑非年少學題詩才疎已枉
高軒過更一開懷醉習池

惜無花柳坐瓊卮設戲休教怒偃師金玉爾音端密勿濠梁
逸興悟潛雖任他爭鹿人都夢每自解頤匡說詩彼此酪然
長一醉優游何必奮天池

十二月一日

凍消寒沍臘全眞客地家居逝者均少去聰明皆是夢老來
歲月總非春偶追僕隸猶興感更數倫常有幾人何必紛紛

煩餽問縱令虛度亦傷神

獨自

獨自衝寒步山邊與古爲徒此地偏石突鯨額凍溜長何如
白龍掛炎天茅屋慘淡日將落亭亭孤松繞飛鶴美人照眼
出門中雪裏梅花初破萼

大寒日路過宵家店偶見

十五窈窕女呼親巧弄音微微含笑意冉冉入松林秋水回
生黛蓮花卸疊金春光原未洩慎勿學聽琴

大寒日路過菜子湖

路在泥中霧氣飛行人何故不能稀利催歲暮情逾急笑我
猶同客未歸

淡遠軒詩鈔

卷六

四

步友人月下看花韵

花開映月不相遮花月聯輝有幾家步月幾同身貼月看花
遑惜眼生花香飄月午移花影露下花辰洗月華花月可憐
燈照我我憐花月更塗鴉

春服既成

藹藹春將暮鮮鮮服既成曳時和可掬衣德氣常平袂接琴
書潤腰辭劍佩輕垂猶他日事共是故人情博帶休勞束雄
冠未足程應嫌紅紫鬧詎入綺羅評臨水流如錦登岡振若
纓詠歌歸袖拂風物與之清

輶夫失足偶占

風來雨去總時艱足縮神全攝此間一跌幸逃夫却健我心

憂跌更無閒

擬僧家不應衣裳帛

食肉寢皮俱可傷僧家偏戒待誰詳棄文非慕都人士避役
何能伍犬羊不必吹毛疵已見縱言徒尊物何殃慈悲應有
冬温法盍衣寒雲坐石牀

背倫廉士宜如蚓肯讓虛無極所歡只費木棉猶是過更將
冰繭向誰搏百年禮樂需文物五等冠裳豈陋寒偏說論心
心已忍萬蠶湯火爾須看

射蛟臺晚眺

矯首疑天近超然迥出羣青山逼斜日白鳥帶飛雲水落漁
舟沒風高里諺聞林間掛新月晝夜不須分

淡遠軒詩鈔

卷六

五

疊諸友惠步拙句

書籍休同鏡蓋厄由來大木任工師如何可也能無不未學
云乎置以雖合樂有功兼補史點茶多巧亦成詩非期落墨
雲烟起磨盡猶然蟄在池

諸友惠和復蒙許可感賦

蛟龍變幻逐潮尖笑我非才擬撒鹽元白馳驅誰壓倒楊盧
推挽共飛潛居然入畫王摩詰恍若登仙蘓子瞻從此傾談
未爲晚歌殘白雪仰高瞻

爛漫春花簇筆尖芻蕘奚自辨形鹽愛才不覺揚眉出顧我
何妨點額潛風伯可憐能送勃儋州誰肯更嘲瞻新詩默誦
心腸熱起舞中宵硯滴蟾

一夜狂風玉起尖依然西子門無鹽
喬雲欲化踰江橋濟水幾同伏地
潛幼妓定然解歌唱香山方可動
翹瞻雪深三尺埋梅徑枉約論文
重步蟾

雪

日夜聽風號雲低雪勢豪
篩天搏玉屑瞞地沒蓬蒿
興爲袁安減功思李愬
高無端寒欲卧誰復當焚膏

雪後寄諸友

風雪先期客未來無從轉折寄芳梅
山明儘可憑松望月出
虛疑訪戴回對此猶然歌里曲
獨傾不覺罄家醅
明朝準擬驅迎馬任爾雲陰凍不開

天邊忽送雁聲來
慰渴依稀望野梅
火取圓冰因日照雪留
淡遠軒詩鈔卷六

卷六

六

碎蕊繞風回人猶南里兼東里
酒已新醅合舊醅
侵早莫嫌泥路凍花紋應傍馬蹄開

十五雪夜看月有懷

幾天快雪已時晴皓月當空一色瑩
世到此間無障染人雖獨玩亦澄清
瓊林間落水花影白首猶憐鐵笛聲
意欲山陰乘興去好同詩酒淨聰明

預擬諸友飲小舍作

臨軒便覺一冬溫疑義竒文可細論
松柏不關雲紫色簾櫳常近月黃昏
賡歌豈必梁園雪勸酒希同北海尊
未過屠門權快意當筵何有饋烝豚

衰邁甘推李與溫愈愚難得一朝論
墨香濡未頭先禿雪影

摩來眼素昏味外鹹酸傷燕麥箇中斟酌愧犧尊陪從游處
應多益相勉無招入笠豚
結友如書故且温送迎拜跪不須論初非我獨醒無賴共是
天全醉詎昏江閣開隣虹作客泰山登望海如尊重添四十
賢人座察察何妨雜與豚

雪

夜明晝暗任婆娑作賦吟詩禁體何忽抹千山無絳縣俄封
萬井失黃河穿簾綠縫爐邊少染墨翻瀾硯裏多天地茫茫
原不盡問誰點綴一披蓑

十七日復雪諸友晤面無期

稍喜温和雪欲融天工復琢玉玲瓏會憐文史三冬足分別
淡遠軒詩鈔卷六

七

風流五處同物變自能規矩合寒凝不減性靈通事多歲逼
人知否默向爐中撥火紅

射蛟臺

曾聞漢武此登臺我輩神遊月影開一箭餘威今尚在風濤
不使有蛟來

立春日復大雪

一雪復一雪經冬又徂春莫尋僵卧士或憂少柴薪積素高
于戶小市不見人歲除祇十日晴乾望其新

苦雪

梅瘦徐肥屢透香玉妃日夜改新粧軟垂到地水陵竹飢若
依人雀戀倉有酒朋離同嚼蠟無書鼠孰與拖薑一年盡雪

無多日漫說風狂我更狂

立春日喜王麴卿濟之過余留飲

泥滓應虛小市間不辭艱苦德爲興愁隨雪裏寒威盡酒落
杯中春意初細逐辛盤行有榮嘉非丙穴愧云魚新詩滋味
真堪佐趣永何知歲欲除

是日得讀麴卿詩

臘月念四日禮神口占自勉及諸友

盥手焚香禮拜頻年年平穩荷尊神吾今更與諸公勉歆祀
從來賴有人

鯉歎

一躍龍門莫測端世間盡日共遐瞻而今似有求憐意爾自
心淪我亦歎

淡遠軒詩鈔

卷六

八

網羅仁政亦時施不爾何難一舍之鯉寡賢豪誰見惜沽名
堪笑養生池
向釋鯤鮪本莫仇忘機貪餌更何尤過河泣寄東瀛伴切莫
遨遊上小洲

迎灶神

一派爆聲香霧昏虔心非媚念 君恩殷勤欲問新年事天
上人間重寡言

除夕

風雪沉陰已閱旬新晴先逗待年新行完煩劇忘爲客守到
光華歎作賓一夕乘除吾詎老同人歡喜物趨春羲和應少
停鞭策古往今來只此巡

穀日偶步

從此回追新歲迎天公無日不能晴偶攜藜杖橋東步萬類欣欣一我情

古意

巢窟無營室河源莫問槎自能呼日月漸解話桑麻經義生來合儀文蓄處賒若看今世界應笑太繁華

友人立卿兩次過予未值

應羞海鶴壓鷄羣曷未尋思顧我勤意足每隨新月上情深非可隔年分舊臘新正俱初七日惠顧到門無暇題凡鳥馳馬翻疑負使君奉句更承金谷罰飲醇奚啻酒之醺

前詩罰字言右誤填从寸醇酒字義未醒戲述自嘲并

談遠軒詩鈔卷六

九

寄

辯之非白無非白急欲引毫誤引毫前度偶傳訛得寸後來何解詈持刀過書舉燭人猶諒竟達空函意可逃羯鼓三搥頻負酒不關求醉舖其糟

立卿惠和前韻疊此申意

偶然附尾漫云羣開我應憐學未勤肯耐無香終日坐何妨聯咏過春分明日春分宮商細考原從律藥石頻推自有君酒後論詩詩更酒寒宵併入夢魂醺時在舍夜飲

不問妍媸可以羣朋來便是誦詩勤輸心自欲垂千古攻木會能入幾分雪化冰消皆合浪形全體具得無君豈惟斟酌情相洽把酒對花花亦醺

友人以莊和予寄伊弟立卿羣字韵疊此奉酬

難弟難兄自是羣先施佳句意殷勤看如春日花千里夢到揚州月二分但覺疎狂尋悔我惟期樽酒更逢君大蘇量似淵明否百盞頻傾不爲醺

屢遭橫逆蒙諸友冒雨來勸作此代達

難平世事如東海高誼從推魯仲連小范遭風惟道數魏文冒雨尚于田心原似面誰乾唾種卽非龍孰任鞭學問無能臻變化空勞排解慕前賢

步立卿雨夜在舍飲酒原韵

元宵燈節已過時細雨浮雲好作詩喜客不知談笑誚問竒端得古今宜筵開小市嘗新少燭剪西窻入夢遲信宿卽鋪淡遠軒詩鈔卷六
心力嬾任眞淺率曷能辭

才過寒臘又春時日把君詩當我詩依舊交情如水淡翻新花樣與時宜乘風會看凌雲早得歲何妨捧日遲更待晴明馳駿馬松筠深鎖過須辭

飛騰有道正須時適性且看鳴以詩意馬直超風可御心花無不地相宜更張琴調閒疑早迨謂歌聲媚已遲
君將續絃已聘葉姓
室女年二十
原唱有天
尙未完姻
桃勸我歌
料得催粧吟句好陽春難和亦難辭

當早之句

步立卿初晴寄懷韵

疎林初過雨雲影每遲徊澗水交相合山花扇欲開柳搖人影亂泥滑馬蹄猜不棄勤相過燈前屢覆醅

步立卿復雨寄懷韵

從來意氣重知音料得君心亦我心春夜喜朋償酒債秋風
同日駐花陰難辭刻畫偏多句絕少成虧不鼓琴卽此盤桓
終一別大江南北暮雲深

驚蟄後五日雪夜夢二姪墨仙

寒宵雪舞亂山中西蜀雲開意不同慈竹含風搖砌淨嘉魚
似玉入厨豐夢魂見已三年隔江漢情猶萬里通按轡獨完
忠孝事餘閒應亦佇城東

淺草才能沒馬蹄

駕遊春尚早野外草含萋淺欲舒眉黛輕才護馬蹄馳驅應
更軟出沒恰能齊踏隔泥痕薄翻憐鼈影低追風光轉嫩破
淡遠軒詩鈔卷六十一
露濕難躋驚蝶藏猶見垂鞭墮不迷襯前纓下映送後尾將
締凍積曾經否茵鋪子細題

踏花歸去馬蹄香

一自春風遍尋花馬亦忙踏來千種麗歸去四蹄香蝶逐翻
銀盃蜂隨過野塘立時非藉草行處有遺芳墨和衝橋馥滂
留浣蕊光濃熏承赤汗淺印憶紅粧馳驟芬初散飛騰氣更
揚温柔難久戀騏驎駕周行

春雨同汪墨齋蘇立卿王濟之酒後分韻天清風和四

字得清字

春陰靄靄間時晴花氣雨餘香更清幸有醇醪歡故友早忘
和日語流鶯垂簾刻燭因堂暗繞座聯詩到眼明苦思非闌

門長短心交筆下自多情

步立卿韻

笑余未報客頻過清晝良宵歲月磨望壘空教筆鋒禿出塵
誰更墨光和田因并畫翻言小萍爲風回得聚多一自寄懷
花鳥侶詩才愧殺老東坡

步墨齋韻

不覺春過三十天破寒杯酒意纏綿琴調流水心常淡氣壓
羣花筆更妍冰雪輕凝無芥帶詩書深奧任負綠時陰佳客
能留座蓮幕風華愧昔賢

步濟之韻

驀然燕北馬羣空今日猶憐一顧雄水立蛟龍吟海雨星搖
談遠軒詩鈔卷六

十二

珠玉落天風墨磨硯照平分黑茶試炊烟半歛紅更約春過
交夏後溪頭共下釣魚筒

疊前韻

應戀澄心不喜晴涇分渭水亦難清猶然世味詩和酒笑殺
春風燕共鶯立卿屢因酒薄不能盡量時判陰陽終日晦坐尊西北半牕
明高林結構非無伴鵲爲營巢轉失情

佳客清同好雨過天開雲影鏡新磨眉間早着心能喜筆底
猶猜意未和穀歉玉豐時更重糠前礪後愧何多平生最愛
三蘇作官止神行馬駐坡

日暮吟哦自曉天高深未盡轉綿綿風飄葭影相和切筆落
燈花互照妍友善遷來喬有韻我生此去俗無緣詩成欲附

諸君後字字推敲若擇賢

豈是文工不送窮由來儒雅半英雄花光不藉諸天雨馬影
常流列國風一夜悲烏頭盡白千年老鶴頂能紅樽前醉倒
堪連月直到蓮開卷碧筒

三疊前韻

水深魚樂可憐晴莊惠相猜意亦清豈有雲中防吠犬只宜
杯裏度遷鶯諸君筆點千山笑獨我心拋一鏡明試向右軍
倉下問中書頭秃孰原情

明日來從今日過中心豈肯受他磨馨香有自舒長嘯清濁
當分且一和對客不知吾已老臨河豈厭酌無多揣君去後
應同我同我寄懷相見坡

淡遠軒詩鈔

卷六

十三

自有堪題別一天出遊泥滑草芊綿笙簧無友誰能樂錦繡
非文不足妍筆可托心心託物思尋生蔓蔓生緣同堂吟詠
情方淡寤寐何知濶聖賢

音竒正正出無窮百歲難爭一日雄細雨籠花如隱霧粗心
摹景若追風雞鳴寺裏天雞唱日觀峯頭海日紅有好友朋
無好酒令人回首憶郵筒

苦雨懷立卿疊初晴復雨見寄韻

仲春氣猶冷陰雨共時徊愴別行將賦新詩掩復開流任細
魚出花並逐鳩猜自有歡逢處秦淮泛綠醅

約秋試會
于金陵

相辭幾日杳無音彼此渾難一遣心任是雞窠明我獨能忘
車笠媚時陰風高隔院空鳴鳥調出何人更撫琴白鶴峯頭

尋約未應遲林月照深深

君將就館棕川

新晴

山看疎雨過人聽晚晴呼啼鳥圓猶澁嬌花困欲蘇烟留池面拂日透我心摹惜少同人賞徒然翰墨濡

鐵楓友人出菊花絕句三十首見示讀之意味深長當

勉步上平十五章續貂之誚固不妨于失半也

榮落黃花幾萬叢年來誰解唱玲瓏君詩細詠神俱化不覺令人色相空

幽姿自惜若矜容影落迷離三徑松靜對如同佳客坐壺觴引酌氣尤濃

天邊雁影度雙雙靖節高風壓楚江花畔流連時一望幾人

淡遠軒詩鈔

卷六

十四

織指出船窓

終朝靜坐向芳枝花近老人花亦痴若爲延齡方解愛有心難與說新詩

靜無車馬鬧柴扉香溢已稀黃蝶飛好似東風容易假栽培

正喜一家肥

誰向丹皮賦遂初蓮華難到雪霜儲有章服自尊中色治味餐宜補七菹

結伴東籬有也無品題精到若吹枯白衣送酒今猶昨坐對

南山興不孤

興來欲挿滿頭低未若留芳繞澗西老眼看花如隱豹中宵起舞不聞鷄

倚蘭操想魯風鞋對此應同表逸懷數本水仙窻下晒晚香
分與侍兒偕

點茶翻笑稱鹽梅早忘山居近斗魁沿水流香能愈疾狂歌
最好是心培

淡遠蕭疎自葆真九秋凌過小陽春枕頭明目都堪用安在
清高一味貧

見賞非惟撲鼻芬花魂應傍美人勤天高木落心俱歛獨殿
秋冬有至文

春光桃李亦無言怎及秋容絕俗喧縱有雞冠影相伴也如
海鶴立庭軒

軒然我亦欲凌寒何必當餐首食單看不足時吟不足天風
淡遠軒詩鈔

卷六

十五

吹月墮枝殘

叢桂纔能艷小山霜英又啓白雲關天教物助詩人興莫認
詩人若等閒

淡遠軒詩鈔卷七

涇川吳寅畏堂著

男銘曾誌之校字

清明獨遊白鶴峯懷友立卿

用前韻

此時宜雨更宜晴，獨立峯巔韻自清。
目極雲霄瞻去鶴，心勞花木喜遷鶯。
江心水長三條白，窻眼松搖萬點明。
士女紛紜遊不絕，誰知我約故人情。
前韻同遊

又

天時地可稱三絕，情性才非敵萬人。
只爲悠悠無一伴，懷君應識我憐春。

淡遠軒詩鈔

卷七

晚宿土地塘永亨庵前閒眺

滿目風雲黑，紅回落日霞。
樓禽喧未靜，流水韻交加。
竹密圍烟舍，林疎出菜花。
僧歸偶談笑，告別亦咨嗟。

早由土地塘上牽牛嶺

鳥喚行裝趣，紅隨白氣升。
橋橫水爭出，嶺坦意忘登。
秀潤當朝媚，晴明此日能。
莫愁千萬駿，雲霧讓人乘。
計程晚當過千駿萬駿嶺

下牽牛嶺至青邑

高寒覺衣薄，下嶺悟前躋。
山鎖春光聚，人臨樹杪低。
畝留萬錢跡，路踏落花泥。
林際明城郭，凝神望轉迷。

由青邑至嶺脚

飯煮紅蓮酒，亦芳餐。加行趁午風，揚衿侵麥隴。
交流翠裳拂

花鬚欲染黃峭石泉飛龍起甲深林路過馬生香歸途如此
何愁遠九十春光一日嘗

真由嶺脚宿老灘

獨征奴僕亦堪羣楊柳依依瘁聞青紫一身疑不老嘯歌
大塊假之文花飄浣女沿溪出鳥傍行人入市分更有春光
關不住倚門相妬半紅裙

由老灘歸里

鷄鳴粧竟早當爐勸酌醇醪別就途氣撲朝陽香更暖光翻

繡野碧爭鋪長堤新柳曾維馬十里輕舟看浴鳧

舒口附船至溪口

望里風雲先我到洗塵莫惜客衣濡

下船時遇雨

林花潤色分

淡遠軒詩鈔卷七

二

春雨乘時至林花散氣熏動搖光不定秀潤色能分點蕊微
生暈懸枝細織紋叢陰初入靄樹杪欲垂雲乍濕鶯啼滑輕
露蝶過芬澤舒紅灼灼泥淨綠欣欣笑靨勻朝粉香腮醉宿
醺忽聞鳩喚喚婦濃淡媚斜暎

楊柳昏黃晚西月

楊柳輕烟抹光搖晚月西昏疑青眼老黃壓碧枝迷鶯宿藏
難見弓張挂漸低垂絲梳欲倩映絹色能齊濯濯紛千縷離
離隱半圭露將零兔窟氣早鑄金隄彩射東門舞風流北館
題莫愁蟾影淡星宿本同躋

步鍾靈五十七弟跋俚句韵

炎涼變遷詞生詞詞乎從心心真竒避風鳥來天之涯語水

何虫識歲時神惜麻姑爲折枝涎垂王母觴瑤池不省未見
囊中錐安看長曲星似眉脉脉心田耕作思但恐春夏秋冬
鳴者疲東野無以答退之

陰霖歎

不雨不雨天更雨晝夜沉沉濕雷鼓周身衣服氣若蒸高堂
柱礎苔欲吐埵邊聞鶻今嬾鳴雲壓舟車兩無行溝渠滿溢
不關壅焦明商羊買餘勇倒峽傾林虎變鼠漂麥凋桑田入
渚幾如錦繡才子坑于秦壯麗阿房炬于楚請看食壤飲泉
之蚓亦難安于其處引伸于壁上不得爲歌女

生日喜晴歌

昨日雨歇雲沉沉今日日出欲鑄金鑄金鑄人向誰問且供
淡遠軒詩鈔卷七

三

衰老一生吟生閱寒暑五十四天幾陰晴人幾醉回首但覺
心茫茫當快此日若拜賜拜賜不拜身常健拜賜不拜虹報
願但拜雨暘總時若物無所困惟酒困困酒醇醅初莫必必
其醉有死之逸逸時醞釀千萬想動植飛潛歸一筆不風雨
而驚不鬼神而質且歌且飲歲月亦難舍我而云卒

夏至前一日上魁峯

細雨當中午閒行得自由僧迎會約客胸拓一登樓山色濃
初滴溪聲遠更幽晚晴餘夕照四望淡烟浮

相別一年餘人衰景不殊水流沙剖玉風動樹傾珠繡毳明
深淺啼禽間有無此宵不歸去獨坐亦清娛

暮藹東西接深藏白屋平上方孤塔靜下界半蛙鳴樹密烟

先白堤長火獨明幽懷何必久一到便多情

次早

曉若暮蒼蒼山高慢曙光夢無雞犬開門對水雲忙野顯征衣白山流破土黃一閒心便足隨意詠歌長昔愛西山暢朝暮奎山向今年奎山上西山又在望兩山景無窮對面或可狀過去不能留我心且莫放

但少弟兄親故山隔水濱對彼如對此通氣自通神朝陽射其巔夕照顧我頻終老皆可矣何必屢問津

峙立各吐雲變幻若鬥文忽焉一氣接我不可以分雖無綵囊納相和亦欣欣有龍招之去尚餘草木熏

不見覆釜形排榻入翠屏樹老綠逾嫩日暖風含馨先塋暫淡遠軒詩鈔卷七

烟隔新松露青青此間情誰識恍讀東西銘

小暑日亭上看雨暴

一望炎蒸氣山川入釜中黑雲纔障日快雨已馳風天色猶多漏雷聲未及同不時敷大澤寢食逮微躬雨過心如洗亭高體絕塵生機袂舍舊逸韵鳥謀新樹裏炊烟出溪邊釣叟巡乘涼閒誦讀誰復謂艱辛

菊花步鍾靈韵

一生笑傲菊花中况復騷人唱晚風寒夜几經客浮白霜華欲滴日初紅形容不盡誰傾峽節操相於每坐叢但覺心閒壽當益詎憐香冷繪難工境歸恬靜精神曠韵入蕭疎俗累空如此淡然真可久休教枯槁便西東

穀人姪咏菊二首弟鍾靈姪雨堂俱依韵和之詩致頗佳余用韵續成俚句以博一笑

歲及秋冬不自知有人結伴嘯東籬一時風節都堪慕試問黃花屬阿誰

莫謂花催白髮新依然詩酒見精神苦吟身瘦同歸淡便是無言亦蘊真

禹仙七叔招賞朱橘咏二絕句命和因五疊之

盤根既固卜千秋得主榮華自出頭星髓日魂形彷彿品霏珠玉亦難酬

丹誠欲表便成朱不枉長年灌老株我願家家圖一幅霏雲圖作慶雲圖

淡遠軒詩鈔

卷七

五

露烝霜浥獨能秋桂子蘭孫讓一頭最好物華偏耐久晚來娛老酒交酬

凝神閃爍拂檐朱滿樹金成敵萬株葉簡占來分少許一天星月洞庭圖

初冬越顯已過秋丹絹輝煌掛上頭但看一年增一絹林成後代儘相酬

百顆光分研裏朱彈琴愛坐戲仙株咏歌不獨長城固培植尤誇善後圖

春復春兮秋復秋道根清氣見頭頭年來滿集同心唱未了黃花已屢酬

葉葉青圍簇簇朱堦前瑞早一生株艷輝堂構羅賓客便入

瀟湘也不圖

半是冬成半是秋
曉烟輕摘墮雲頭
色味香全難數
觀金門獻上喜應酬

不覺酡顏相映朱
人人往復羨靈株
兒孫日後傳佳事
分寫茂林詩派圖

六疊

去年星降已吟秋
約畧丹誠顯筆頭
依舊一觴兼一咏
端教酒史記難酬

何妨白髮並顏朱
相對居然羨老株
庭茁芝蘭添一樹
便承家慶更為圖

先祖 文齊公有家慶圖

七疊

淡遠軒詩鈔卷七
恍然懷橘讓梨秋
桂子名彰已並頭
園名 檇名邀賞分甘真韻事

尋常詩句莫言酬
顏顯冰霜髮顯朱
比榮荆樹植仙株
先祖 安國公手植 紫荆樹至今猶茂 壘

壘不獨名堂好
百子圖開百壽圖
叔來歲 七旬

臘月三日雪霽同弟翼堂姪靜山承芝承玗姪孫迎祿
遊奎山賞雪飲酒

提壺攜伴上奎山
暑往寒來指顧間
余五六月間 讀書于此雪壓山容
不嫌老遊山踏雪詎能閒

興來無酒不知寒
况復杯杯勸自寬
一自酡顏堪敵雪
休言白白入山看

誰遣奎山作玉堆
天公應為玉人來
離家遠近無三里
爾我

何妨日一回

老僧猶自解烹茶石上紅爐雪裏霞味外味從清白得一甌
相共嚼梅花

日暮歸來帶酒香要知高潔自尋常村莊乍掩狂風色書幌
猶搖積雪光

是晚復偕弟瑤泉近唐姪完甫雨堂往深柳書堂卽用
原韻口號五章贈弟春帆鍾靈姪清如

芸窓讀罷向奎山彷彿神遊積雪間自是無人能訪戴閒時
只道喜消閒

一生非喜立高寒青白分來眼界寬品格不超梅以上繁華
誰耐雪中看

淡遠軒詩鈔

卷七

七

雅集何須蠟淚堆校書藜火自頻來偏余馳驟當風馬雪絮
霜花踏幾回

快如酒後試新茶筆底潮奔句落霞何事詩文皆雪亮不教

老眼眩生花

燈下得讀春帆鍾靈詩賦文並佳

翰墨圖書雪柳香到來便覺不尋常何期天曉纔歸去回首
猶疑貯夜光

踏雪歌

雲重重兮天窄風凜凜兮地瘠珠玉瓊花誰遣來落落紅塵
一夜白乘興出遊靡朝夕踏破瑤臺竟莫惜錦囊胸著葫蘆
腰約一觴一咏聊行我樂足下掾花聲足起衝月行不聞溪
澗流水響但覺高低步步平縞袖美人隱疎林茅屋逸士撫

瑤琴人物景象一何幽脫然吾不復有心不見蒼松見白龍
不見少年見老翁老翁相見不憂老便道一老有百好看空
世界知多少更何俟玉樹搖落玉山推倒

長松吟風晚雨細

日暮雲停野松長會道風笙簧流過澗烟雨細迷空響徹蒼
茫外光搖翠靄中聽來原謾謾看去漸濛濛虬合雌雄舞絲
憐組織工宜人端是雅潤物不言功俯雜清泉韻微將淡霧
籠相驚綠筆落回首憶蘇公

上元後七日酒後看燈

抹却從龍意偏憐燈節過火光教月讓醉態莫人訶繞樹紅
分雪臨樓翠映娥天心殊愛惜留得一宵多

淡遠軒詩鈔

卷七

八

雨水後十日翼堂弟邀余魁峯飲酒

和風散柳條殘雪點西麓好鳥時一聲東郊農相逐景物日
趨春亭上邀豁日偶追陶謝句俾余飲且讀

感興吟難已消水水自空搜羅時變換曠達醉朦朧生意同

年少友于多老翁

澤和陶軒商三翼堂俱年近五十獨叔度未四十耳

要當旬日後更

入百花叢

春寒花較遲

花是當春發因寒信較遲勾留眞艷在醞釀幾人知不急繁
華意翻憐慎重時簫聲吹未徹霽色映初宜家貯尋芳酒鶯
爭欲暖枝向陽開尚少含露斂還滋消息原難隔光明漸及
期莫催紅紫滿正好動遐思

影箴

影乎爾何爲我動爾相隨我形本端方爾影偏斜敬令我箴
爾後純粹絕小疵爾能入皓月山河聚如斯爾能照滄海雲
物漾離離爾能順無逆善提塔有儀爾能專無外達摩面可
期爾能使足避爾能共響規莫若壁上弓落杯犯心疑莫若
鏡中鸞沖霄苦情癡切莫使虬吹切莫使蜮窺極醉莫零亂
初醒莫倦疲誑我五十五彌縫豈爾遲影也若不聆影也若
不知惟神識影意一一代剖之爾視影無見爾言影無詞爾
聽影無聞徒此動相欺爾既三失禮動何彼能治旦明使爾
見晦冥不爾追脫或處幽暗爾形果勿馳使爾顧之警爾且
閉門思置形于一室陶情以填篋前圖而後書右有而左宜
談遠軒詩鈔卷七

九

影不浸百家便在禮與詩影不拂球磬便接龍與夔形影無
或弔何妨拜爲師

蛺蝶

無端飛去又飛來蛺蝶紛紛意自猜纔傍雕欄迷舞袖已隨
芳草過陽臺易醒春夢何愁遠難繫香風自在陪看到金錢
都化盡清溪明月覓寒梅

坐春

千里風光看砌草四圍滄海攬盆池眼昏足軟情何在剩有
詩情且咏詩

不出

處轍能量海抱石能識玉人之大於物在靈不在促所以陋

室中常安雅與俗當畫生有涯入夜死便足共眩草頭露同
朽太倉粟間或有微跌預卜不遠贖屋以低而穩人以賤無
束剛柔蘊五絃變化了一局苦無異書借喜無巾幘辱不信
此境寬應見我顏沃

藝蘭蘭便芳栽竹竹成行未審樹木者地廣年可強蘭含竹
韻逸竹引蘭臭長蓀結草猶綠石迸筍更香漏有幾處隙皓
魄聚逾光彼有修月斧我有來食鳳我饒紉佩適彼徒搗藥
忙墻角亦有牖納約清風揚堦下亦有水鑑空意洋洋躁心
周四海不若一室詳

貓鼠不同乳鷄犬不期仙婦女不知學子弟不參禪非徒質
相遠各有所當然時日無祥瑞顛蒙亦聖賢內外無間破偃

淡遠軒詩鈔

卷七

十

儂亦嬋娟食以淡而正器以粗而堅衣以舊不污神以閒得
全座上爐烟駐簾外蜘蛛懸畫吟絲自縛夜讀膏自煎自煎
與自縛要可永我年

牛車困廿載籐牀穿兩膝况值太平時更可嬾成疾席可溫
於體突可黑于漆如墨磨在研如管束其筆影隨衆未三門
開富有七敲器虛其中流徙何能溢處與時共長身與慾同
窳隱是盜虛名仙無此清秩莫謂蜂房淺此中釀成蜜蝸居
有何志焉用銘吾室

春泥燕啣至夏雷雨相驅秋月桂郁馥冬雪夢有無序遷居
不改處約志自迂嚼飯新可口補衣新溫膚書林競却蠹硯
田倍收租檢閱向未解一一若吹竽富敏非過昔意足心不

粗坐忘符朔魄卧遊滅奚奴天地但完卵今古亦隙駒促促
百斯載渺渺一故吾

上已偶過深柳書堂

一路馨香惹此身臨流嬾盪亦天真諸君勤讀循名實應笑
清閒過野人

步鍾靈深柳書堂暮春韻

時晴時雨一春寒柳拂花圃意忘殘脩禊聽隨佳節過和詩
怎待墨痕乾喬多好鳥知相應人似青山不厭看轉盼池魚
堪作贈

池內新內魚
子數十頭

諒君未惜酒杯寬

深柳書堂歸寄懷諸弟姪

嫋嫋春風滿袖攜諸君送我夕陽時歸家飯罷心仍永又自
淡遠軒詩鈔

卷七

十一

挑燈看杜詩

過深柳書堂近唐弟適歸作此寄之

我爲君身倍惜春惜春詩句蘊精神如吾衰朽春難假

弟惜春詩

僕欲酬和
不能下筆
敢預爲
言之

還覓春風第一人

弟潛心苦讀不爲通塞少衰大
器晚成必能駕四兄而上也故

登鍾靈暮春原韻

行覺溫和坐覺寒風箏高放線將殘

途中
偶見

野舍麥氣朝偏潤

燕補巢泥夕欲乾拾翠麗人交慰問送歸暝色一迴看往來
情景君知否莫道山居自在寬

三疊

忘憂早已泯心寒况復逢春興未殘我見風人非小補澤初

學海豈中乾花繁撲鼻辛勤嗅柳暗藏鶯子細看謾說風光
容易歇百年行樂計時寬

四疊

山逼書齋午尚寒茶烹爐火不時殘魯陽駐日戈誰舉白傅
抽毫酒自乾歡悅遊非教我獨清明過不作秋看昨日三
清明
九九忘吾老富貴風流量未寬

春雨

昨日霧迷川侵晨雨暗天紅殘花欲缺綠嫩樹將圓羃歷山
趨隱矇矓柳就眠寵光敷未已繡野濕增妍蜂抱香疑重魚
遊泡乍連巢泥歸燕潤瀑布破雲縣麥湧肥凌郭鳩離瘦度
烟家園無長物春韭剪來鮮

淡遠軒詩鈔

卷七

十二

前題

懷鍾靈

一夜瀟瀟雨孤吟寂寂春此中有真趣將說與何人

前題

懷墨仙

花殘蒂固知能實水到渠成信有秋麗景無如數化澤詩人
何必喜言愁

偶題

人老虧將盡安望月復盈醫難延短命達可傲長生臨水真
能淡當風自在清循時皆有獲何必事虛名

雜詠五首

小星江汜本無媒陰雨終風不用哀偶爾流離牽臂斷定能
窮苦見金猜綠珠墜地方完節紅拂逃天詎算才莫道修容

徒取悅心堅無物可能灰

歌雲捧日竟何如騎鶴象龍洵有餘運值三分傷火井才非
百里困鹽車謀從玉壘能興國禮屈商山已定儲料得中庸
與長樂九泉應自哭丹書

陰陽消長日無停運啓文明驗在丁附宦翻孤避賢驛親民
誰燕醉翁亭凌烟有數頭先白出塞無人塚自青買犢銷兵
成俗久從來祈報重靈星

瓦全玉碎重宗支煮豆偏教泣豆萁舊約聯牀慰風雨高吟
長價叶墳箎推田每作荆枯想閉戶深維箭折思土掩火攻
誠下策終身逸樂獨無虧

耐久人人願執鞭分金贈紵豈徒然虛名詎料移文日大義

淡遠軒詩鈔

卷七

十三

難明捧檄年道術不宜分水火功名何惜隔天淵可憐東漢
排朋黨始信嚴光釣獨賢

萬全玉碎重宗支煮豆偏教泣豆萁舊約聯牀慰風雨高吟
長價叶墳箎推田每作荆枯想閉戶深維箭折思土掩火攻
誠下策終身逸樂獨無虧
耐久人人願執鞭分金贈紵豈徒然虛名詎料移文日大義
淡遠軒詩鈔 卷七 十三
難明捧檄年道術不宜分水火功名何惜隔天淵可憐東漢
排朋黨始信嚴光釣獨賢

與斗樂衣泉應自哭丹書
百里困鹽車謀從玉壘能興國禮屈商山已定儲料得中庸
與長樂九泉應自哭丹書
陰陽消長日無停運啓文明驗在丁附宦翻孤避賢驛親民
誰燕醉翁亭凌烟有數頭先白出塞無人塚自青買犢銷兵
成俗久從來祈報重靈星
瓦全玉碎重宗支煮豆偏教泣豆萁舊約聯牀慰風雨高吟
長價叶墳箎推田每作荆枯想閉戶深維箭折思土掩火攻
誠下策終身逸樂獨無虧
耐久人人願執鞭分金贈紵豈徒然虛名詎料移文日大義
淡遠軒詩鈔 卷七 十三
難明捧檄年道術不宜分水火功名何惜隔天淵可憐東漢
排朋黨始信嚴光釣獨賢

淡遠軒詩鈔卷八

涇川吳寅畏堂著

男銘曾誌之校字

步瓊圃九兄素圃早紅梅韻

素圃何故有紅梅總爲文章早占奎暈上冰肌索微笑烘成
冷艷欲全開嫌疑桃李春風度點綴樓臺夜月陪出色幾迷
寒雀眼究無蜂蝶過牆來

艷奪蒼松未受封光輝翠竹影相重南東日暖臨初媚朝暮
烟寒抹更濃奚借肥添花六出應忘冷淡序三冬超然賞識
知誰是滿抱冰霜不在容

淡遠軒詩鈔卷八

疊前韻

驀然相見不知梅看似花奎此更奎顏色偏難隨物老光華
直是向陽開尊前掩映人先醉頂上迷離鶴可陪尋到雪中
容易見非關撲鼻有香來

圃多佳趣儘誰封色色花開第一重閱歷風霜終不淡散成
霞綺可方濃徒然鶴髮應嫌我自足春光尙耐冬怡悅非同
眞品格貯來金屋若爲容

庭前看月

我方待月來倏忽見月去地偏亦可到軒廣無久處但覺移
須臾未嘗行急遽經天積萬古誰繫復誰馭愛之心常照離
合獨無語

瓶中牡丹

牡丹乘時放春風，剪一枝攜來香滿袖。陋室忽英奇，酌量瓶中水不溢。亦不虧，旣無車馬喧，又無塵土溜。詩書氣郁馥，牙籤光紛披。明月入我室，花葉影離離。月去燈復揚，含蕊喜相窺。大富不地易，大貴不人欺。衰病對此釋，終日玩無疲。寢後風雨疾，我豈遺爾危。

步鍾靈深柳書堂賞牡丹韻

地靜台高早絕塵，花光掩映互翻新。清平譜入方知貴，桃李爭開尙覺貧。瓊島飛來誇異種，東君珍重度陽春。情思欲說將安枕，錦繡成堆已等身。睡態斜憐玉盤側，醉粧酣引酒杯輪。賓朋滿座愁看損，淡月黃昏細雨晨。是晚微雨達旦

淡遠軒詩鈔卷八

二

送春步近堂弟韵

飛英落絮舞舞窻，前無送無迎。不計年一聽新詩出門去，頽然醉倒酒旗邊。

臨風送客每遲徊，沉值年華唱落梅。猶幸故園不寥寂，綠肥香暖到葵開。

水流雲散太忙生，愛酒心長骨自清。獨怪東君稱意去，不教差慰子規情。

記得調和虎血紅，移形易貌百年中。何如縛得東風住，不遣西南朔作風。

看他楊柳自條條，織盡離愁剩此朝。慣繞驪歌還惜別，應垂青眼對通宵。

一生幾見故人違，結伴遊春拾澗荑。踏遍雲山都未覺，登台惆悵說春歸。
千花欲盡葉重重，喧鬧難留莫笑蜂。九十春光詩八首，唾壺擊缺不須鐘。
艷色如春本姓施，悠悠泛水不知誰。詩成道送春歸去，著手成春去較遲。

深柳書堂賞牡丹留贈諸弟姪

穠姿深色晝煌煌，月照長廊夜復光。地力有餘閒點綴，何須嘆息牡丹芳。

醉嗅花枝笑欲傾，諸君花下重前盟。春風入座香流遍，未譜

新詩韵亦清。諸君獨鍾靈弟作詩一首故云

淡遠軒詩鈔

卷八

三

全開半折不須齊，綽約仙姿盡綉鞋。我欲叅禪心亦動，從來富貴引人迷。

新見花間燕掠雙枝高，聳隔白雲窻。艷陽丰采誰堪敵，萬紫千紅一一降。

遣婢名典之

一自孤單更遇災，三年被水災者離苦莫狀六年服事若憐才。收此婢已六年矣

何難星影輝，叢影苦爾盛時我老來。婢年十八

此去終身是好緣，人生運轉可回天。是日適晴泥中辱爾渾忘却

只感恩深豢養年

葉稀花盛弄芳姿，轉眼成陰子滿枝。別院風光誰得見，應憐

青鳥報來遲

擬順之送興之詞

爾我同庚生同方同災同患同離鄉離鄉母女散莫見何期
爾我偏同行同心六年婢自分百年同聚此不羨世上
鸞同凰相處相忘魚同水白扇如月光團團誰人矯首望雲
端紅葉青鳥紛飛來爾我顧影心同酸心酸向壁時無多催
爾寶鏡描雙蛾雙蛾堆翠淚成血相抱跌斷赤脚何赤脚隨
轎步不遠情牽轎裏坐不穩障面已隔千重山離愁直繞九
折阪九折阪上九回腸獨來竈下煎茶湯茶湯點成客未嘗
遙揣爾室羅酒漿酒漿既醉燈輝煌梅帳篆交芬芳猶記
昨夜同被眠訴憂不復知鴛鴦鴛鴦處不忍離寸爾善所事
長如願如願安命雲泥懸爾念我思各一天

淡遠軒詩鈔

卷八

四

春盡日深柳書堂賞芍藥畱贈諸弟

隨時選勝讀書家拘束東風駐日車玉片搏成歌艷雪丹心
吐出帶晴霞梢頭花似離鄉客婪尾春如赴壑蛇恰欲圖來
先醉倒任從柳外有歸鴉

前題和穀人韻

一花未了一花新

半月前同賞牡丹

占斷春光無虛春無虛過無

不過且立斯須將離人離人不見花色好年來花事恨草草
何如同堂五六人非爲遠別亦起早早無不晚晚獨遲爲花
畱春春畱詩詩人到此亦云老春老花老長如斯主客詩酒
相追陪婪尾春戀婪尾杯春花別日別所別欲別未別情深

哉

有感

無端獨唱于大小任糊塗流遠難辭曲月明纔覺孤我心
忘芥蒂世路轉崎嶇同是悠悠者堪嘆此樸儒

老年親友散零星磨轉輪回尙莫停寂寞鼓琴山水意流連
賦景短長亭氣通關上望誰識畫靜林中睡未醒自古傷心
亡寶鑑悲歌安在不辭形

孟夏晏深柳書堂

忽然山衙暉飲罷坐立稀摘花不泥色臨水無停機游魚暗
深波雙鳥破烟歸物與我同樂長此春夏肥

謝諸友勸過考

不少精神不少財日長時暖好追陪只因身懶難從驥敢慕

淡遠軒詩鈔

卷八

五

高人志早灰

忝列諸生三十秋銀燈竹簡尙優游人甘幽谷時粧罷鳥入
爰天逸韵休萬事漸能鑑欵器百年惟辦作虛舟諸君努力
前程遠小試何妨最上頭

五日

偷閒五日一閒人家是蓬萊酒是春蒼髻不隨蒲葉改丹心
每向石榴新雲興山嶽初開鏡

今日適雨通

渡競龍舟莫問津山

無水續命如何專得術超然且自理絲綸

感懷

衰老猶然看鏡頻情深意坦葆天真難探管子能興國須信
羊公不酖人羽翼乘風方是快蛟龍得水自爲神何時遍踏

雲山頂長美飄然物外身

病中偶吟

銷除俗慮病來侵安樂天公忌早深喜未夢中聽豎子笑無
汗下讀陳琳所嗟身疾非心疾自解新吟續舊吟平復益當
珍重過莫教片刻逐浮沉

病後自遣

蓼虫不知甘夏虫不知寒蟄戶忘其啟涸轍權以歡此生胡
爲者時地我所安髮落學自殖面黑心自丹耳目雖聾瞶尙
有能官官生死雖云大造物特其端造物總我厚亦難獨我
寬事事歸自然誰復徒長嘆

命孫

淡遠軒詩鈔

卷八

六

滿乃招損高乃見危雖伏螻屈世莫予追退之退之不爲囊
錐知退

林有鳴鳥沼有游魚成邑成聚無詐無虞止而不遷學以愈
愚知止

日有常照天有常行國有常政民有常營經而又經乃妙其
衡知經

一寒一暑一陰一陽未協于中或僭或狂如物之權不謀而
滅知權

飛有網羅走有檻穽歛翼駢足無食無命慎之慎之心存時
傲知慎

苦熱

眼昏體軟汗長流書卷難開對食愁安得清神眠獨穩不知
夢裏已迎秋

思到三山喜欲狂雲深水立暑安將縱多神怪頻來擾我且
沉酣一味涼

雨暴

暑蒸騰兮望雨來雨將來兮先風雷雷雨盈兮暑退藏快樂
何須登蓬萊蓬萊可望不可卽縹緲仙凡隔水勒大千世界
恩波同出入寢興意各得意各得時天氣清處處復聞絃歌
聲

和松岩韻

淡遠軒

詩鈔

卷八

七

舊持白團扇飲酒秦淮水榭有垂髫小鬟云何不書
字家含客能書持去卽來款落松岩居士所寫詩卽
其舊作把玩日久不覺情動意居士
曠達多情不拘小數因而和之云

是夕何人獨倚樓雲如羅幕月如鉤臨河未卜雙星會但望
盈盈意已繆

一度一年疇爲持愁多歡少兩心知看來天上情難訴落得
人間慰別離

頓教團扇起雲煙晉字唐詩氣萬千對面莫逢難惜別隔屏
傾聽慢呼綠長憐砌蟀吟秋日敢枉途人爭路年把玩風流
增價未同他瘦損不期然

有感

天極炎涼自有時輕裘細葛力難支如何身識炎涼苦更薄
天公不足師

俗尚夤緣勢欲窮誰將恬退挽澆風鳴鳴不識饑風意嘲笑
應誇腐鼠功

名辭軒冕意纏綿乞得華言不計篇謾道金珠與沙礫用之
衣食總堪捐

醉引醒兮濁引清薰蕕異臭可和羹雖然白璧終難黠意欲
刀圭誤後生

不論上下日稽脣更甚當年德色新利實一開思自薄有心
復古永傷秦

門蘭社鼠竟如何大海狂瀾井不波差喜天心懸皎日妍媸
入照莫同科

鮮履敝冠誰解論司非猶喜識晨昏何須桃李當冬發始信
淡遠軒詩鈔卷八

陰陽事有翻

世久承平俗易佻陽和乍忘歲寒凋持盈獨自煩宵旰長此
三無仰 聖朝

秋蘭佛手柑

璜溪姪贈秋蘭雙幹一花入瓣兩舌香大異常又售佛手一握兩形累結狀如兩手捧長者之手指數各十夫在秋蘭佛手卽不爲奇無緣人獲已非望並供于几詩以紀之

秋蘭佛手總能琛未藉瓊瑤未鼓琴瑞草原非生妄想齋居
聊可指吾心浮香無語誰捫舌輪掌回看不假金莫謂物情
少知覺每教相嗅意深深

秋夜偶題

風飄桐葉立秋能促織初鳴穀欲登紡績有聲隨滿卷中天

月省萬家燈

短歌行

生便有我死便無無我茫茫全無知有我幾時亦莫須有我
無我何牽拘

薤露日出落木風來蟬聲朝隕鳴鳥春哀榆樹倏拱馬鬣就
隕歌泣徒爾誰住誰回

秋日

蟋蟀咽陰晝寒蟬抱疎柳田野散鷄豚歲登風俗厚

秋海棠用鍾靈步采臣李君韻

忽覺春生八月中海棠搖曳自南東纔翻苔影叢叢碧已映

佳人面面紅珠淚難乾綠怯日香魂隨反乍驚風虫吟花下

淡遠軒詩鈔

卷八

九

聽疑隔護爾時教翠草宮

輕陰靄靄歷秋千春去秋來年復年謾說繁華夢中了要知

風景晚時妍吟成長律新詩史賞到重陽舊雨天菊有黃華

堪作伴幾回同倒玉杯前

菊花疊則定步采五王君韻

何事愁消蟋蟀天年年坐向菊花前素秋方耀知君異白髮

無嫌共我妍時且嚴寒不能落品非高士謾云憐風流忽續

東籬韻可許茱萸映錦箋

老圃蕭蕭風雨天菊花依舊枉當前藩籬猶是松雲態沒冶

更勝桃李妍酒益芬芳詩益韻晚多感激少多憐高懷獨早

林和靖不比尋常寄綵箋

十一月中浣玩江村晚渡圖

微風淡蕩夕陽紅一棹輕浮水鏡中雖是誕登無咫尺何時

聽頌濟川功

時應督修城工

題豹堂趙二兄水西咏雪圖

一見吟壇動遠思寒光冷艷展圖時城中盡日相傳看不放

水西獨出奇

靜坐高樓眼界寬風生筆下萬花搏去年白戰今年又料得

留懸六月寒

天篩玉屑便埋憂繫念清溪一釣舟我本同人隨去訪不須

畫作夢中求

萬竹猶疑金石聲夜歸歌咏故人情丹青誰道皆皮相繪出

淡遠軒詩鈔

卷八

十

詩心格外清

豹堂招諸好聚飲步潘雲閣趙雪湖任菴豹堂韻

賭酒都忘更幾巡習池醉倒讓何人星輝奎野原能聚雪壓

廬山豈碍真每到臨風思古調一同看月証前身新詩奚翅

投珠玉砂礫酬債笑我貧

醉後烹茶當酒巡諸朋曲體老年人叨陪七箸談無假得辨

淄澁味本真偏是乏才喜聯詠祇因多事欲分身深知惠我

無私意剩有贏餘恤到貧

倒疊前韻

交如管鮑謾論貧唱和頻添欲等身得自客中多誨益豈惟

酒後道言真除非肝膽難成我每誦詩文便服人談笑不知

年少去最憐親友日相巡

書臺潘世兄招諸好聚飲步雪湖任菴豹堂雲閣韻

依閣官梅次第開一時陪少一時陪畱設館北幾忘旅未渡
水西庸愧杯清濁但知君頌酒尋常誰似我憐才難禁白髮
年華逼且把新詩一一催

步豹堂十二月十五夜同予步月韻

最可寒宵素魄橫人如訪戴雪中行不須點綬渾無碍今古
同情仰太清

豪吟幾欲放杯晴趙壁無瑕豈易城飛到天心作明月霓裳
曲奏更希聲

光分頂上徹中邊十二回圓併一圓本自空明無俗累高懷
淡遠軒詩鈔卷八十一

豈在不知年

正月八日往城家人餞別戲畱

風雨歸鄉里年華逼老翁舊臘念六日
雨中回家換衣新感疾勿藥固

能窮枕上初驚蝶門前早駕驄春花笑相待此別太匆匆

督石工

金石取其堅程工急水邊豈徒量濶狹不獨較方圓隕看終
無日爛云誰識年本慚精衛志敢料海能填

題仙卿胡四兄靜坐圖

澄淵常佇月青山常在目妙悟復誰如坐以靜穆穆靜乃裕
乎動互根不須觸布席未盈丈屈伸運一局藏書俱已把古
今義以蓄不迷頃刻花不寶譁囂玉烟烟凜所戒懲忿而窒

欲坦坦無所慮與衆如與獨安鎮洵有餘知止自不辱

花朝前三日回里

風雨復如前星霜已隔年馬愁泥滓仆魂尙酒香牽竹樹餘
分碧溪山半在烟水西花似錦屈指到來偏

花朝

花朝花信少勝事每盤桓剪綵香疑注分珠夢亦歡當於撲
蝶會更逐勸農看況是中春好衣衫薄不寒

題採藥山人課子圖

採藥非徒爾縈懷橋與梓登山有遠見何莫非妙理不獨禮
數周先安祖與妣家器盡璠璵所好筆與紙庭桂並宮槐誰
肯伍柳杞七葉勝千緡分并各自喜誦讀達 楓宸跨蘇應

淡遠軒詩鈔

卷八

十二

笑李文章吐芝蘭榮華從茲始茂林圖千載風流景之子

題雲閣潘一兄聽雨樓集卽次其韵

連朝風雨坐蕭齋萬疊雲烟不見排遮莫淋鈴宣曲恨倩誰
染翰繪聲佳松風隱約迷清籟竹瓦玲瓏寄遠懷聽慣孰將
春夢醒一時時與賣花皆

彭城詩句謾云刪景仰仙居縹緲間最喜有朋頻剪燭不知
多霧欲沉山風雷想到君應記格律偷來我未閒涓滴已隨
滄海去可能呼酌一瓢還

題識舟二弟晚香草堂圖

雨重晚晴器重晚成是何名花香滿園得與吾弟齊其名伊
昔魏公陶彭澤千載風流神不隔一時都到眼中來孰分亮

節與奇策奇策建來歌英豪何必富貴輕鴻毛優游重到草
堂前花氣悠揚秋風高年年看花年年老頭白花黃無時了
今日看去似爲晚後日看來便爲早曷不呼酒花前快飲醉
爲期巡來莫論杯多少

題查霽亭三兄鋤月種梅圖

不待披圖知君非凡材種梅承天裁者培栽培無心期和羹
荷鋤每乘明月來明月來今年復年梅種成林門嬋娟月桂
有影而無香何如梅傲冰霜花可憐梅花報君香與實君把
長鏡心猶一游惰易生員滿中君隨月輪輪且疾美人林下
月迎送詠月詠花誰伯仲世人但識攀君榮我勸世人學君
種

淡遠軒詩鈔

卷八

十三

步立卿蘇二兄寄懷原韵

閒欲遊春陰少晴償詩賭酒債難清桃花冷淡城西渡松韻
悠長渭北情或是美蠅將附驥且云栽木待遷鶯何時白鶴
峯頭望遙指雲天遠水明

住住行行總是過無才無福孰消磨歡如金煉畱常少別似
農耕蓄漸多偶見繭絲珍霧縠更因麥浪慎風波詩來恍惚
同君賞不負良時清且和

事業從來易亦難何如雪裏臥袁安無心炊火樓臺濕快意
春風道路乾肝膽取人憐我窄胸懷何日共君寬新交雖是
無多鳳報道雲龍一例看

步任菴趙二兄雨中之文昌宮見贈原韵

細雨斜風解悶人最難君到笑談新揮成詞過孤桐詠釣取
詩如獨繭綸頓覺清同蘭滿座猶疑香引筓來鄰敲驅恍得
江山助意滿何須更踏春

步豹堂之姑蘇却寄原韵

匆匆相別餞行無滿意風帆趁遠途回首家山吟好句先聲
應已達姑蘇

淡遠軒詩鈔

卷八

十四

風日數故蒲

翠翠吟吟猶待無滿意風帆趁遠途回首家山吟好句先聲

步豹堂之姑蘇却寄原韵

匆匆相別餞行無滿意風帆趁遠途回首家山吟好句先聲

翠翠吟吟猶待無滿意風帆趁遠途回首家山吟好句先聲

翠翠吟吟猶待無滿意風帆趁遠途回首家山吟好句先聲

